

შპს უსაფრთხოების აკადემიის სასწავლო ცენტრი



დამტკიცებულია:

შპს უსაფრთხოების აკადემიის სასწავლო ცენტრის

დირექტორის 19.06.2024ის N#2406/111 ბრძანებით

**პროფესიულ სტუდენტთა სწავლის შედეგების
შეფასების წესი**

თბილისი

2024

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	2/15
		რევიზია	0

მუხლი 1. ზოგადი დებულებები

1. წინამდებარე წესი შემუშავებულია „პროფესიული განათლების შესახებ“ საქართველოს კანონის და პროფესიული საგანმანათლებლო დაწესებულების ავტორიზაციის სტანდარტების საფუძველზე.
2. წინამდებარე წესი განსაზღვრავს კოლეჯის „შპს უსაფრთხოების აკადემიის სასწავლო ცენტრის“ პროფესიული საგანმანათლებლო პროგრამის პროფესიულ სტუდენტთა სწავლის შედეგების მიღწევების შეფასების წესს.

მუხლი 2. ტერმინთა განმარტება

1. **პროფესიული საგანმანათლებლო პროგრამა** – სასწავლო მიზნების, სწავლის შედეგების, მოდულის/მოდულების, შესაბამისი კრედიტების, სწავლების მეთოდების, შეფასების ფორმებისა და სასწავლო პროცესის ორგანიზების თავისებურებათა ერთობლიობა.
2. **მოდული** – პროფესიული საგანმანათლებლო სტანდარტის ფარგლებში არსებული ან დამოუკიდებლად შემუშავებული კომპონენტი, რომელიც აერთიანებს ერთმანეთთან ლოგიკურად დაკავშირებულ სწავლის შედეგებს, აღწერს მათი მიღწევის გზებს, საშუალებებსა და დადასტურების პირობებს.
3. **კომპეტენცია** – სწავლის შედეგების შესაბამისი კონტექსტში (სწავლის ან საქმიანობის პროცესში, პიროვნული და პროფესიული განვითარებისათვის) ადეკვატურად გამოყენების შესაძლებლობა.
4. **სწავლის შედეგი** – განაცხადი პირის მიერ მისაღწევი „ცოდნისა და გაცნობიერების“ (სწავლის ან საქმიანობის სფეროსთან დაკავშირებული ინფორმაციის, ფაქტების, პრინციპების, თეორიების, თეორიული და პრაქტიკული მეთოდების ასიმილაციის შედეგი), „უნარის“ (კონკრეტული დავალების შესრულებისა და პრობლემების გადაჭრისათვის შესაბამისი ცოდნის გამოყენების შესაძლებლობა) ან/და „პასუხისმგებლობისა და ავტონომიურობის“ (ღირებულებებითა და დამოუკიდებლობის შესაბამისი ხარისხით პირის მიერ ცოდნისა და უნარების გამოყენება) შესახებ.
5. **ვერიფიკაცია** - შეფასების სისტემა, რომელიც ადასტურებს, რომ პროფესიულ საგანმანათლებლო დაწესებულებაში სწავლის შედეგების შეფასების პროცესი არის სანდო, ვალიდური, გამჭვირვალე და სამართლიანი, ხოლო შეფასების შედეგებზე მიღებული გადაწყვეტილებები - ზუსტი.

მუხლი 3. შეფასების ინსტრუმენტის შერჩევა

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	3/15
		რევიზია	0

1. პროფესიული საგანმანათლებლო პროგრამის პროფესიულ სტუდენტთა შეფასებისათვის გამოიყენება შეფასების ინსტრუმენტი.
2. პროფესიული საგანმანათლებლო პროგრამის შემუშავების პროცესში ჩართული პროფესიული საგანმანათლებლო პროგრამის ხელმძღვანელი და პროფესიული განათლების მასწავლებელი/ები მოდულის ადაპტირებისას შეფასების მიმართულების მიხედვით არჩევენ შესაბამის შეფასების ინსტრუმენტ(ებ)ს.

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	4/15
		რევიზია	0

მუხლი 4. შეფასების პრინციპები

შეფასება ეფუძნება შემდეგ პრინციპებს: ვალიდურობა, სანდოობა, გამჭვირვალობა, სამართლიანობა, ობიექტურობა.

4.1. ვალიდურობა

შეფასების სისტემა ვალიდურია, თუ გამოყენებული შეფასების ინსტრუმენტი რელევანტურია იმ სწავლის შედეგის დადასტურებისათვის, რაც ფასდება. ასევე შეფასების გამოყენებული ინსტრუმენტი იძლევა სწავლის შედეგის შეფასების შესაძლებლობას ყველა კრიტერიუმის მიხედვით.

4.2. სანდოობა

შეფასების სისტემა სანდოა, თუ განხორციელებული შეფასების შედეგები გამყარებულია სათანადო მტკიცებულებებით.

4.3. გამჭვირვალობა

შეფასების სისტემა გამჭვირვალეა, თუ შეფასების პროცესი და დადასტურების პირობები, მოთხოვნები, ასევე შეფასების შესახებ სხვა საჭირო ინფორმაცია წინასწარ არის ცნობილი ყველა შესაფასებელი პირობათვის.

4.4. სამართლიანობა

შეფასების სისტემა სამართლიანია, თუ შეფასების პროცესი ორგანიზებულია იმგვარად, რომ ის საშუალებას აძლევს შესაფასებელ პირს დაადასტუროს მიღწეული სწავლის შედეგები (მათ შორის შეფასების დრო, შეფასების გარემო, გამოყენებული მასალები, აღჭურვილობა და სხვა პირობები). ასევე შეფასებისას ყველა ერთნაირ პირობებში იქნა ჩაყენებული.

4.5. ობიექტურობა

შეფასების სისტემა ობიექტურია, თუ ყველა შესაფასებელი პირი ერთნაირი შესრულების (შედეგების) პირობებში ერთნაირად არის შეფასებული.

მუხლი 5. პროფესიული სტუდენტის სწავლის შედეგების მიღწევის წესი

პროფესიული სტუდენტის სასწავლო საქმიანობის (დატვირთვის) და პროფესიული სტუდენტის სწავლის შედეგების მიღწევების შეფასების წესი განისაზღვრება ამ დოკუმენტით, შესაბამისი პროფესიული საგანმანათლებლო პროგრამის ჩარჩო დოკუმენტით ან/და მოდულით.

მუხლი 6. კომპეტენციებზე დაფუძნებული შეფასება

1. პროფესიულ საგანმანათლებლო პროგრამებში გამოიყენება კომპეტენციებზე დაფუძნებული შეფასება, რაც გულისხმობს პროფესიული სტუდენტის (შესაფასებელი პირის) მიერ ცოდნის ფლობისა და უნარების გამოყენების შესაძლებლობის (კომპეტენციის) შეფასებას, მოდულით წინასწარ განსაზღვრული კრიტერიუმების მიხედვით.
2. მოდულის შესაბამისი კრედიტის მისაღებად დადებითად უნდა შეფასდეს მოდულით მისაღწევი ყველა სწავლის შედეგი.
3. სწავლის შედეგი მიღწეულად ითვლება, თუ პროფესიული სტუდენტი (შესაფასებელი პირი) დადებითად შეფასდა შეფასების ყველა კრიტერიუმის მიხედვით.

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	5/15
		რევიზია	0

4. შესაძლებელია რამდენიმე სწავლის შედეგის ერთდროულად დადასტურება. **მუხლი**

7. პროფესიულ სტუდენტთა შეფასების სისტემა

1. პროფესიული სტუდენტის სწავლის შედეგების მიღწევების შეფასება არსებობს: განმავითარებელი და განმსაზღვრელი.
2. განმავითარებელი შეფასება შესაძლოა განხორციელდეს როგორც ქულების, ასევე ჩათვლის პრინციპის გამოყენებით.
3. განმსაზღვრელი შეფასება ითვალისწინებს მხოლოდ ჩათვლის პრინციპზე დაფუძნებული (კომპეტენციების დადასტურებაზე დაფუძნებული) სისტემის გამოყენებას და უშვებს შემდეგი ორი ტიპის შეფასებას:
 - სწავლის შედეგი დადასტურდა;
 - სწავლის შედეგი ვერ დადასტურდა.

მუხლი 8. შეფასების ინსტრუმენტის შერჩევა, შემუშავება, ვალიდაცია

1. პროფესიული საგანმანათლებლო პროგრამის პროფესიულ სტუდენტთა შეფასებისათვის გამოიყენება შეფასების ინსტრუმენტი.
2. შეფასების ინსტრუმენტის შექმნის ვალდებულება აქვს მოდულის განმახორციელებელ პირს (პირებს).
3. შეფასების ინსტრუმენტი ასევე შესაძლებელია შეიმუშაოს ან მის შემუშავებაში იყოს ჩართული დარგის ან/და განათლების ექსპერტი, პრაქტიკის კომპონენტის განმახორციელებელი ორგანიზაციების/პარტნიორი ორგანიზაციების წარმომადგენლები.
4. შეფასების ინსტრუმენტი უნდა შეესაბამებოდეს მოდულით განსაზღვრულ მტკიცებულებას და შეფასების მიმართულებას.
5. განმეორებითი შეფასებისთვის ინსტრუმენტის შემუშავება ხდება ამ მუხლის მე-2 და მე-3 პუნქტში მითითებული პირების მიერ;
6. შეფასების ინსტრუმენტის შემუშავებისას გათვალისწინებულია შეფასების მიმართ არსებული მოთხოვნები, კერძოდ: შეფასების ინსტრუმენტები არის სანდო, ვალიდური, გამჭვირვალე და ობიექტური/სამართლიანი.
7. შეფასების ინსტრუმენტის შერჩევა ხდება მოდულის ადაპტაციის ეტაპზე, ხოლო მისი შემუშავება კალენდარული გეგმით გათვალისწინებული შედეგის შეფასების ჩატარებამდე;
8. შეფასების ინსტრუმენტის შემუშავებისას გამოიყენება კოლეჯის მიერ დამტკიცებული ფორმა (დანართი N1).
9. შეფასების ინსტრუმენტის შემუშავებელი ავსებს ფორმით გათვალისწინებულ ყველა ველს.
10. შეფასების ინსტრუმენტის ფორმაში წარმოდგენილი მონაცემების სისრულის და სისწორის გადამოწმების მიზნით, ხორციელდება შემუშავებული შეფასების ინსტრუმენტის ვალიდაცია;
11. შეფასების ინსტრუმენტის წარდგენა ვალიდაციაზე ხდება მისი შემუშავებიდან არა უგვიანეს 3 დღეში;
12. შეფასების ინსტრუმენტის ვალიდაციას ახორციელებს სასწავლო პროცესისა და სასწავლო პრაქტიკის მენეჯერი, ან ადმინისტრაციის წარმომადგენელი, რაც დასტურდება შეფასების ინსტრუმენტის ფორმაზე მათი ხელმოწერით.

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	6/15
		რევიზია	0

13. შეფასების ინსტრუმენტის ვალიდაციისთვის გამოიყენება ფორმა (დანართი N2);
14. მოდულის შეფასების ინსტრუმენტის შემუშავებაში ან ვალიდაციაში ჩართული პირი არ შეიძლება იყოს იმავე ინსტრუმენტის შიდა ვერიფიკატორი და ხარისხის მართვის მენეჯერი.
15. განმეორებითი შეფასებისთვის ინსტრუმენტის შემუშავება ხდება განმეორებითი შეფასების ჩატარებამდე არანაკლებ 1 კვირით ადრე. განმეორებითი შეფასებისთვის ინსტრუმენტს შეიმუშავებს ინსტრუმენტის შემმუშავებელი.

მუხლი 9. შეფასების სისტემის შიდა ვერიფიკაცია

1. კოლეჯში მოქმედებს პროფესიული საგანმანათლებლო პროგრამების შეფასების ინსტრუმენტების შიდა ვერიფიკაციის სისტემა, რომელიც უზრუნველყოფს შეფასების ინსტრუმენტების ვალიდურობას, სანდოობას, მოქნილობას.
2. შიდა ვერიფიკაციის შედეგად პროფესიული განათლების მასწავლებლები იღებენ თანამიმდევრულ და ზუსტი შეფასების გადაწყვეტილებებს განსაზღვრული შესრულების კრიტერიუმის შესაბამისად.
3. შიდა ვერიფიკაციის პროცესის ორგანიზებას ახორციელებს კოლეჯის ხარისხის მართვის მენეჯერი.
4. შიდა ვერიფიკაცია შემდეგი მიმართულებებით ხორციელდება:
 - შემუშავებული და შეთანხმებული შეფასების ინსტრუმენტების შემოწმება;
 - შეფასების შედეგად შექმნილი მტკიცებულებების შემოწმება.
5. შიდა ვერიფიკაციის პროცესზე პასუხისმგებელია კოლეჯის ხარისხის მართვის მენეჯერი.
6. შიდა ვერიფიკაცია ხორციელდება წინასწარ შედგენილი შიდა ვერიფიკაციის გეგმის შესაბამისად, რომლის შემუშავებაზე პასუხისმგებელია ხარისხის მართვის მენეჯერი.
7. შიდა ვერიფიკაციას ახორციელებს შესაბამისი ცოდნისა და კვალიფიკაციის მქონე პირი - შიდა ვერიფიკატორების ჯგუფი, რომლის შემადგენლობაშია განათლების და დარგის ვერიფიკატორები. განათლების ვერიფიკატორის ფუნქცია შეიძლება შეითავსოს ხარისხის მართვის მენეჯერმა.
8. დარგის ვერიფიკატორი შეიძლება იყოს იმავე მოდულის სხვა მასწავლებელი, ან შესაბამისი კვალიფიკაციის მქონე სხვა მასწავლებელი, პროგრამის ხელმძღვანელი, ადმინისტრაციის წარმომადგენელი.
9. შიდა ვერიფიკატორი არ შეიძლება იყოს იმავე მოდულის შეფასების ინსტრუმენტის შემუშავებაში ან ვალიდაციაში ჩართული პირი.
10. განათლების ვერიფიკატორი ახორციელებს შეფასების ინსტრუმენტის ტექნიკური ასპექტების შეფასებას „შეფასების ინსტრუმენტების შემოწმების კითხვარის მიხედვით“, დარგის ვერიფიკატორი ახორციელებს შეფასების ინსტრუმენტის შინაარსობრივი ასპექტების შეფასებას „შეფასების ინსტრუმენტების შემოწმების კითხვარის მიხედვით“
11. შიდა ვერიფიკაცია ხორციელდება შესაბამისი ვერიფიკაციის კითხვარების საფუძველზე (დანართი N3, დანართი N4)
12. შიდა ვერიფიკატორი ასრულებს შემდეგ ფუნქციებს:
 - რეგულარულად ესწრება შეფასების პროცესს, რათა უზრუნველყოს შეფასების კარგი პრაქტიკა;
 - ადასტურებს შეფასების სანდოობას და ვალიდურობას;
 - არჩევს შეფასებების ნიმუშებს, რათა შეამოწმოს შეფასების თანამიმდევრულობა და სამართლიანობა;
 - ადასტურებს შემფასებლების მიერ მიღებულ შეფასების გადაწყვეტილებებს;
 - უზრუნველყოფს, რომ შეფასების და შიდა შემოწმების (ვერიფიკაციის) ჩანაწერები იყოს სრული და ზუსტი;
 - ეხმარება პროფესიულ მასწავლებლებს, აძლევს უკუკავშირს, მითითებებს და რჩევებს;
 - ეხმარება პროფესიულ მასწავლებლებს ტრენინგის საჭიროებების იდენტიფიცირებაში;
 - თანამშრომლობს გარე შემოწმებლებთან (ვერიფიკატორთან) და განათლების ხარისხის

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	7/15
		რევიზია	0

- განვითარების ეროვნული ცენტრთან შეფასების ხარისხის უზრუნველყოფის მიზნით.

- ინსტრუმენტის და მტკიცებულების ვერიფიკაცია ხდება შერჩევითი პრინციპის საფუძველზე.
- ვერიფიკაციის ნიმუშების შერჩევისას, რისკების შემცირების მიზნით, გათვალისწინებულია ისეთი ფაქტორები როგორიცაა: შეფასების ინსტრუმენტებისა და მტკიცებულებების რაოდენობა, არსებული რესურსები, ვერიფიკატორების რაოდენობა, ინსტრუმენტების იდენტიფიცირება, სადაც შესაძლოა შეუსაბამოების მაღალი ალბათობა, მაგალითად, დამწყები მასწავლებლის ფაქტორი, პრაქტიკული დავალებების სიმრავლე, ერთი ინსტრუმენტით, ერთდროულად შესაფასებელი სწავლის შედეგების რაოდენობა და სხვა.
- შემუშავებული და შეთანხმებული შეფასების ინსტრუმენტების შემოწმების მიზნით, შეფასების დაწყებამდე არანაკლებ ორი კვირით ადრე სასწავლო პროცესისა და სასწავლო პრაქტიკის მენეჯერი წარუდგენს შიდა ვერიფიკატორს შეფასების ინსტრუმენტს;
- შიდა ვერიფიკატორის მიერ შეფასების ინსტრუმენტის შემოწმება უნდა განხორციელდეს ინსტრუმენტის წარდგენიდან არაუმეტეს 3 (სამი) სამუშაო დღეში;
- შიდა ვერიფიკატორის მიერ ხელმოწერილი შეფასების ინსტრუმენტი ადასტურებს შეფასების ინსტრუმენტის ვერიფიკაციის ფაქტს.
- შეუსაბამოების აღმოჩენის შემთხვევაში, შეფასების ინსტრუმენტი შესაბამისი შენიშვნებითა და რეკომენდაციებით, ეგზავნება შემფასებელს/ინსტრუმენტის შემმუშავებელს, რომელიც ვალდებულია 3 (სამი) სამუშაო დღეში შესწორებული სახით წარუდგინოს ხარისხის მართვის მენეჯერს;
- ხარისხის მართვის მენეჯერის მიერ ხელმოწერილი შეფასების ინსტრუმენტი გამოიყენება პროფესიული სტუდენტების შეფასებისთვის.
- შეფასების შედეგად შექმნილი მტკიცებულებების შემოწმება ხდება შეფასების მტკიცებულების შემოწმების კითხვარის მეშვეობით (დანართი N4);
- ვერიფიკაციის დროს უნდა შეფასდეს ერთიდაიმავე ინსტრუმენტის ფარგლებში შექმნილი მტკიცებულებების საერთო რაოდენობის არა ნაკლებ 25% პროცენტი;
- უარყოფითი შედეგების შემთხვევაში უნდა შეფასდეს ყველა მტკიცებულება;
- შიდა ვერიფიკატორთა ჯგუფი ადგენს ვერიფიკაციის დასკვნის პროექტს, რომელიც თანხმდება ხარისხის მართვის მენეჯერთან და შემდეგ ეგზავნება პროფესიულ მასწავლებელს/ინსტრუმენტის შემმუშავებელს და სასწავლო პროცესისა და სასწავლო პრაქტიკის მენეჯერს ან/და პროგრამის ხელმძღვანელს;
- შეუსაბამოების აღმოჩენის შემთხვევაში, შეფასების ინსტრუმენტი შესაბამისი შენიშვნებითა და რეკომენდაციებით, ეგზავნება შემფასებელს/ინსტრუმენტის შემმუშავებელს, რომელიც ვალდებულია შეიტანოს ცვლილებები შეფასების ინსტრუმენტებში მათი გამოყენების ახალი ციკლის დაწყებამდე არა ნაკლებ 10 სამუშაო დღით ადრე.
- შესწორებული შეფასების ინსტრუმენტები წარედგინება ხარისხის მართვის მენეჯერს, რომელიც ხელმოწერით ადასტურებთ მათ ვარგისიანობას.
- შიდა ვერიფიკატორების მიერ ჩატარებული შემოწმებების და მონოდედებული ინფორმაციის საფუძველზე, ხარისხის მართვის მენეჯერი ადგენს ანგარიშს და გაუმჯობესების ღონისძიებების ჩამონათვალს ყოველი კონკრეტული შემთხვევისთვის, მაგალითად დამატებითი ტრენინგების ჩატარება მასწავლებლებისთვის, მოდულებში ცვლილებების ინიცირება; შეფასების ინსტრუმენტების შემუშავებაში სხვა პირების, მათ შორის ადგილობრივი ან/და საერთაშორისო ექსპერტების ჩართულობა; სხვა დაწესებულებების გამოცდილების გაზიარება და სხვა;
- საჭიროების შემთხვევაში, სასწავლო პროცესისა და სასწავლო პრაქტიკის მენეჯერი ადგენს რეკომენდაციების შესრულების გეგმას და ანგარიშს მათი შესრულების შესახებ. რეკომენდაციების შესრულების მონიტორინგზე პასუხისმგებელია ხარისხის მართვის მენეჯერი.

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	8/15
		რევიზია	0

მუხლი 10. შეფასების შესახებ პროფესიული სტუდენტების ინფორმირება

1. შეფასების შესახებ პროფესიული სტუდენტების ინფორმირება შეიძლება განახორციელოს მოდულის განმახორციელებელმა პირმა ან/და სასწავლო პროცესისა და სასწავლო პრაქტიკის მენეჯერმა/ადმინისტრაციის წარმომადგენელმა;
2. შეფასების შესახებ პროფესიული სტუდენტების ინფორმირება ხორციელდება შეფასების ჩატარებამდე არანაკლებ 3 დღით ადრე;
3. შეფასების ჩატარებამდე პროფესიულ სტუდენტებს შესაძლებელია მიენოდოს შემდეგი სახის ინფორმაცია: შეფასების თარიღი, შეფასებისათვის განკუთვნილი დრო, შესაფასებელი სწავლის შედეგების ჩამონათვალი, შეფასების პირობები, სავარაუდო თემატიკა, წარმოსადგენი მტკიცებულებების სახეები, განმეორებითი შეფასების პირობები და სხვა.
4. პროფესიული სტუდენტების ინფორმირება შეფასების შედეგების შესახებ ხდება არანაკლებ 2 სამუშაო დღეში;
5. შეფასების შესახებ ინფორმაციის მიწოდება შესაძლებელია როგორც ზეპირსიტყვიერი, ასე ელექტრონული ფორმით;
6. პროფესიულ სტუდენტთა ინფორმირებულობა შეფასების შედეგების შესახებ ხდება განზოგადოებულად. კონკრეტული სტუდენტის შეფასების შედეგები განიხილება მათთან ინდივიდუალურ შეხვედრაზე. ჯგუფში კონკრეტული სტუდენტის იდენტიფიცირების პირობებში მისი შეფასების შედეგების გასაჯაროება ხდება სტუდენტის თანხმობით (სიტყვიერი ან წერილობითი)

მუხლი 11 . პროფესიულ სტუდენტთა შეფასების შედეგების გამოყენება

პროგრამის შემდგომი განვითარებისათვის კოლეჯი ახორციელებს პროფესიულ სტუდენტთა შეფასების სტატისტიკური მონაცემების (სწავლის შედეგის დადასტურების/ ვერდადასტურების მაჩვენებლები) შეგროვებას კონკრეტული პროფესიული საგანმანათლებლო პროგრამის ფარგლებში და იყენებს მათ პროგრამის შემდგომი განვითარებისა და სწავლების ხარისხის მონიტორინგის მიზნებისათვის.

მუხლი 12. მტკიცებულებების მოპოვების, შენახვის და განკარგვის წესი

1. პროფესიული საგანმანათლებლო პროგრამების პროფესიული სტუდენტების მიერ სწავლის შედეგების მიღწევა დასტურდება მატერიალური/ელექტრონული სახით - მტკიცებულებებით;
2. სწავლის შედეგის მიღწევის დამადასტურებელი მტკიცებულება უნდა იყოს :
 - ვალიდური - ზუსტად შეესაბამებოდეს შეფასების მიმართულებას;
 - ტრანსფერული -ადასტურებდეს, რომ სტუდენტს შეუძლია ამოცანები შეასრულოს დადგენილი პროფესიული სტანდარტის შესაბამისად, არა მხოლოდ საგანმანათლებლო დაწესებულებაში ან შეფასების პროცესში, არამედ სამუშაო ადგილზეც;
 - ავთენტური -შესაფასებელი სტუდენტის მიერ შექმნილი;
 - საკმარისი - აჩვენებდეს, რომ სტუდენტს შეუძლია, შეასრულოს ნებისმიერი საქმიანობა სწავლის შედეგებისა და შესრულების კრიტერიუმების შესაბამისად;
3. მტკიცებულებათა შეგროვება და პროფესიულ სტუდენტთა სწავლის შედეგების შეფასება

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	9/15
		რევიზია	0

მიმდინარეობს მთელი სასწავლო პროცესის განმავლობაში ან/და სწავლის დასრულებისას.

4. შესრულების მტკიცებულება წარმოადგენს პროფესიული სტუდენტის (შესაფასებელი პირის) მიერ სწავლის შედეგის მიღწევის მატერიალური ან ელექტრონული სახით არსებულ დადასტურებას.
5. შესრულების მტკიცებულებები უნდა უზრუნველყოფდეს შესაფასებელი პირის იდენტიფიცირების საშუალებას.
6. შესრულების მტკიცებულებების შეგროვებაზე პასუხისმგებლობა ეკისრება მოდულის განმახორციელებელ პირს.
7. პროფესიული საგანმანათლებლო პროგრამის ფარგლებში შექმნილ მტკიცებულებათა სათანადო წესით აღრიცხვას და შენახვას ახორციელებს სასწავლო პროცესისა და სასწავლო პრაქტიკის მენეჯერი.
8. მოდულის დასრულების შემდგომ, მოდულის განმახორციელებელი პირი, შეგროვებულ შესრულების მტკიცებულებებს და შეფასების უწყისებს, არაუმეტეს ათი დღის ვადაში წარუდგენს, სასწავლო პროცესისა და სასწავლო პრაქტიკის მენეჯერს, რომელიც სარეგისტრაციო ჟურნალებში (სწავლის შედეგების შესრულების მტკიცებულებების აღრიცხვის ჟურნალი და შეფასების უწყისების აღრიცხვის ჟურნალი) აკეთებს შესაბამის ჩანაწერებს.
9. პროფესიული საგანმანათლებლო პროგრამის ფარგლებში შექმნილი მტკიცებულებები დაცულია და ინახება შეფასების უწყისის გაფორმებიდან სამი წლის ვადით, ხოლო შეფასების უწყისები სწავლის შედეგების მიღწევის შესახებ ინახება მუდმივად.
10. სამი წლის გასვლის შემდეგ, შეფასების უწყისები სწავლის შედეგების მიღწევის შესახებ, შეფასების უწყისების აღრიცხვის ჟურნალთან ერთად, მუდმივი შენახვის მიზნით გადაეცემა კოლეჯის არქივს, ხოლო პროფესიული საგანმანათლებლო პროგრამის ფარგლებში შექმნილი მტკიცებულებები ნადგურდება კანონით დადგენილი წესით ან გამოიყენება კოლეჯის მიზნებისათვის.

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	10/15
		რევიზია	0

დანართი N1.1

კოლეჯი „შპს უსაფრთხოების აკადემიის სასწავლო ცენტრი“

შეფასების ინსტრუმენტის ფორმა

1.	საგანმანათლებლო დაწესებულების დასახელება:	
2.	პროგრამის დასახელება:	
3.	მოდულის დასახელება:	
4.	სწავლის შედეგი/შესრულების კრიტერიუმი:	
5.	შეფასების მიმართულება	
6.	შეფასების ინსტრუმენტი:	
7.	დავალების აღწერა:	
8.	მტკიცებულება:	
9.	შესრულების კრიტერიუმის /სწავლის შედეგის დადასტურება:	
10.	განმეორებითი შეფასების პირობები	
11.	შეფასების ინსტრუმენტის ავტორი/ავტორები:	
12.	შიდა ვერიფიკატორი (ინსტრუმენტის შემოწმებელი):	

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	11/15
		რევიზია	0

დანართი N1.2

შესაფასებელი პირი (სახელი, გვარი) -----

თარიღი-----

დავლების აღწერა	
დავლების შესრულების ინსტრუქცია	
დავლების დადასტურების პირობები	

დანართი N1.3

პროფესიული მასწავლებლის მიერ წარმოებული ჩანაწერი (ჩეკ-ლისტი)

სწავლის შედეგი 1 -		
დავლების შეფასების კრიტერიუმი:	შეფასება	
	შეასრულა	ვერ შეასრულა
1.1. შესრულების კრიტერიუმი		
1.1.1.		
1.1.2.		
1.1.3.		
1.2. შესრულების კრიტერიუმი		
1.2.1.		
1.2.2.		
1.2.3.		
1.3. შესრულების კრიტერიუმი		
1.3.1.		
1.3.2.		
1.3.3.		

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	12/15
		რევიზია	0

დანართი N1.4

შესრულების კრიტერიუმის /სწავლის შედეგის დადასტურება:

სწავლის შედეგის		სწავლის შედეგის / შესრულების კრიტერიუმის დადასტურება	
		დადასტურდა	არ დადასტურდა
შესრულების კრიტერიუმები			

შესაფასებელი პირი: _____
სახელი გვარი ხელმოწერა

პედაგოგები: _____
სახელი გვარი ხელმოწერა

შეფასების განხორციელების თარიღი -----

(შენიშვნა: კრიტერიუმების მიხედვით ჩაინერება ტესტები, მაგრამ არანაკლებ ოთხისა. შესაძლებელია ყველა შედეგის თეორიული ნაწილის შეფასება მოხდეს ერთდროულად)

1.1.1. ტესტის შინაარსი: _____

სწორი პასუხების ფურცელი (სწორი პასუხები ჩამოთვლილი უნდა იყოს კრიტერიუმების მიხედვით)

შესრულების კრიტერიუმები	სწორი პასუხი
1.1. შესრულების კრიტერიუმი	
1.1.1. შესრულების ქვეკრიტერიუმი	
1.1.2.	
1.1.3.	

პროფესიული განათლების მასწავლებლის ხელმოწერა -----

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	13/15
		რევიზია	0

დანართი N2

**კოლეჯი „შპს უსაფრთხოების აკადემიის სასწავლო ცენტრი“
შეფასების ინსტრუმენტების ვალიდაციის კითხვარი**

პროფესიული პროგრამის დასახელება _____

მოდულის დასახელება _____

მოდულის სარეგისტრაციო ნომერი _____

შეფასების ინსტრუმენტის შემუშავებული _____

შეფასების ინსტრუმენტის შემუშავების თარიღი _____

შეფასების ინსტრუმენტების შემოწმების ჩეკ-ლისტი

კრიტერიუმები		შეფასება N1	შეფასება N2	შენიშვნა
		დიახ/არა	დიახ/არა	
1.	სწორად არის დაფიქსირებული პროფესიული საგანმანათლებლო პროგრამის სახელწოდება			
2.	სწორად არის დაფიქსირებული მოდულის სახელწოდება და სარეგისტრაციო ნომერი			
3.	განსაზღვრულია დავალების შეფასების კრიტერიუმები			
4.	დადგენილია რა შემთხვევაში შეფასდება შესრულებული სამუშაო დადებითად			
5.	შეფასების ინსტრუმენტი მოიცავს ინფორმაციას განმეორებითი შეფასების შესაძლებლობის შესახებ			
6.	განსაზღვრულია, თუ რა სახის მტკიცებულებით იქნება უზრუნველყოფილი სწავლის შედეგების მიღწევის დადასტურება			
7.	მითითებულია ინსტრუმენტის ავტორი/ავტორები			
8.	შესასრულებელი დავალებები გასაგები ენითაა აღწერილი			
9.	დავალებების შესასრულებლად მოცემულია ზუსტი ინსტრუქტაჟი			
10.	განსაზღვრულია დრო დავალებების შესასრულებლად.			
11.	აღწერილია შეფასებისათვის საჭირო გარემო და პირობები, ტექნიკური აღჭურვილობა/მასალები/ ინვენტარი			
12.	საჭიროების შემთხვევაში აღწერილია ის დამატებითი პირობები, რომელთა გამოყენებაც შეუძლიათ პროფესიულ სტუდენტებს შეფასების პროცესში			
13.	შეფასების ინსტრუმენტის ფორმაში შევსებულია ზოგადი ინფორმაციის ყველა ელემენტი			

შემოწმების თარიღი: ვალიდატორის

ხელმოწერა:

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	14/15
		რევიზია	0

დანართი N3

კოლეჯი „შპს უსაფრთხოების აკადემიის სასწავლო ცენტრი“

ვერიფიკაციის ჯგუფის მიერ შეფასების ინსტრუმენტების შემოწმების კითხვარი

პროფესიული პროგრამის დასახელება _____

მოდულის დასახელება _____

მოდულის სარეგისტრაციო ნომერი _____

შეფასების ინსტრუმენტის შემუშავებული _____

შეფასების ინსტრუმენტის შემუშავების თარიღი _____

შეფასების ინსტრუმენტების შემოწმების ჩეკ-ლისტი

კრიტერიუმები		შეფასება N1	შეფასება N2	შენიშვნა
		დიახ/არა	დიახ/არა	
1.	შეფასების ინსტრუმენტის ფორმაში შეესაბამება ზოგადი ინფორმაციის ყველა ელემენტი			
2.	შეფასების გამოყენებული ინსტრუმენტი არის მოდულით განსაზღვრული შეფასების მიმართულების შესაბამისი			
3.	გამოყოფილი დრო საკმარისია დავალების შესასრულებლად			
4.	დავალების შეფასების კრიტერიუმები არის გაზომვადი, გამოხატულია რაოდენობრივ ან ხარისხობრივ ერთეულების სახით			
5.	კითხვათა/დავალებათა შინაარსი ფარავს შეფასების ინსტრუმენტით განსაზღვრულ ყველა შეფასების კრიტერიუმსა და სწავლის შედეგს			
6.	შეფასება შესაბამის გარემოშია დაგეგმილი			
7.	შეფასებისათვის გათვალისწინებულია შესაბამისი აღჭურვილობით უზრუნველყოფა			
8.	შეფასებისათვის გათვალისწინებულია შესაბამისი მასალებით უზრუნველყოფა			
9.	კითხვათა/დავალებათა რაოდენობა საკმარისია შეფასების ინსტრუმენტით განსაზღვრული ყველა შეფასების კრიტერიუმისა და სწავლის შედეგის დასადასტურებლად			
10.	მოდულის შეფასების სქემა ითვალისწინებს შეფასების სპეციფიკურ რაოდენობას			

შემოწმების თარიღი:

შიდა ვერიფიკაციის ჯგუფის წევრები:

	შპს უსაფრთხოების აკადემიის სასწავლო ცენტრი	თარიღი	თებერვალი 2024
		თავი/მუხლი	1 - 12
	სწავლის შედეგების შეფასების წესი	გვერდი	15/15
		რევიზია	0

დანართი N4

კოლეჯი „შპს უსაფრთხოების აკადემიის სასწავლო ცენტრი“

ვერიფიკაციის ჯგუფის მიერ მტკიცებულების შემოწმების კითხვარი

პროფესიული პროგრამა _____

მოდულის დასახელება _____

მოდულის სარეგისტრაციო ნომერი _____

შეფასებაში მონაწილე პირები _____

შეფასების ჩატარების თარიღი _____

შეფასების მიმართულება: _____

შეფასების ინსტრუმენტი: _____

მტკიცებულების დასახელება: _____

N	მტკიცებულება საკმარისია პროფესიული სტუდენტის მიერ ნაჩვენები შესრულების დონე ადასტურებს მის მიერ სწავლის შედეგის ფლობას	მტკიცებულება ვალიდურია შეესაბამება შეფასების მიზანს, მიმართულებას	მტკიცებულება ავთენტურია შესრულებულია შესაფასებელი პირის მიერ (მტკიცებულებაზე ფიქსირდება პროფესიული სტუდენტის სახელი, გვარი და ხელმოწერა)	მტკიცებულება ტრანსფერულია მის საფუძველზე შეგვიძლია დავასკვნათ, რომ სტუდენტი იმავე დავალების შესრულებას იმავე კრიტერიუმების შესაბამისად შეძლებს რეალურ სამუშაო გარემოშიც	შენიშვნა
	1	2	3	4	
N1					
N2					
N3					
N4					
N5					
N6					
N....					

შენიშვნების შეჯამება:

შიდა ვერიფიკაციის ჯგუფის წევრები:

შემოწმების თარიღი: